

AKPA ODU-UWEM MMỌN̄

Ezekiel 47:1-12; Eriyarare 22:1-5.

ỌYỌHỌ UKPEP-ŃKPO 409

Eke Mkparawa

IKỌ IBUOT: “Koro nyeñwaña mmọn̄ nno owo nsat-itọn̄, nyeñwaña idim ke edisat isọn̄” (Isaiah 44:3).

Mme Itie-ukpono Abasi

Toto ke eritọn̄, mme owo ema esibop mme itie-uwa ndikpono Abasi. Noah ama ọbop itie-uwa emi enye akadade okpono onyuu ọkọmde Abasi ke edifak nsio ke akwa ukwọ. Abraham ama ọbop itie edikpono Abasi ke ini enye okosimde isọn̄ Canaan. Jacob akada itiat ọbop itie-uwa edi itiat emi ke enye akada anam udoribuot.

Ataya

Ke nditọ Israel ekeworode ekpon̄ Egypt enyuu enamde nna mmọ ke akai-ikot Sinai, Abasi ama onọ Moses ofuri udomo abaña itie-ukpono Abasi emi ekotde Ataya. Nnyin imọdion̄ mme udomo ataya emi. Imokot ibaña efe esop ye mme ọfọn̄ ikpehe emi ekekanarede enye ekuk ye itie-uwa okpoho emi anam-idiok esidide ndiwa uwa esie man efen enọ enye. Ke edisana Ebiet, itie-uwa o-gold ama odu, mbiet edinam-asana, nko mi ke incense itoro Abasi akaka iso asak kpukpru ini. Ke ebede Edisana Ebiet, Ata Edisana Ebiet ama odu, itie emi ekenimde Ekebe Ediom, mme Cherubim enuhọ efuk enyuu esuk iso ese Nkpọ-itie Mbom. Ke Ata Edisana Ebiet emi, Ubọn̄ Abasi ama ayama, mbiet Uduok-mmọn̄ Edisana Spirit.

Itie-ukpono Abasi

Ke ema ekeneherede nkpọ enim ke isọn̄ Canaan, Edidem Solomon ama ọbop ufok onọ Abasi nte asañade ekekem ke mbiet Ataya oro emi ekesimende esaña, edi enye emi ama otim eye onyuu okpon. Ekedị ke ufok ukpono Abasi emi, ekekotde Itie-ukpono Abasi emi ekebopde ke obot ke Jerusalem ke Ezekiel okokpono Abasi nte eyenowon̄. Kpukpru eyen eren Jew ekesinyene akwa idorenyin abaña ini emi enye edisañade ye ete esie aka ke ufok-Abasi ke Jerusalem.

Ete Ezekiel ekedi oku, edi akpanikọ, ke ema esikpep Ezekiel Ibet Moses ke nde ke nde nte Abasi eketemede, enye ama etiñ ye enye abaña ibet Abasi ke ini mmọ esañade ke usuñ, ke ini etiede ke ufok, ke ini edidede idap ye ke ini mmọ edemerede ke usenubok. Ke ebede ibet emi etiñde-tiñ enọ enye, Ezekiel ama okop uyo Abasi, enye ama ọdion̄ ete, nte ededi ke mme uwa eyen-eron̄ ye ebob ye ibiom ekenyan ubok ewut Akwa Uwa emi akanade nte ewa.

Spirit Abasi ama ada Ezekiel usuñ ke nde ke nde tutu osim isua idorenyin emi enye okokponde ekem ndisaña ye ete esie nka ke Itie-ukpono Abasi ke ini usoro Nsaña-mbe. Nte afo ukpukereke nte Ezekiel esede ete esie osiode anana-ndo eyen-eron̄ isua kiet nte ibet eketemede? Ke ema ekesio eyen-eron̄ oro enim, ema etim ekpeme enyuu ebok enye ke usen duopenañ tutu ekem ini emi akanade nte eda enye eka Itie-ukpono Abasi man ekewa ke mbubreyo ke ini edifop uwa. Se nte idara ọkoyohode esit esie ke ini ete esie okomumde enye ubok odori ke ibuot eyen-eron̄ emi ke ntak idiok-nkpọ esie ye ofuri ufok mmọ. Ke ini enye okowotde eyen-eron̄ oro, oku onyuu osimede iyip ke itie-uwa ekeme ndidi ke ndo-ndo oro ke Ezekiel ọkọdion̄ ete ke Abasi efen onọ imọ, enye onyuu ekpe ebieri ke esit ndinam akpanikọ nno Abasi ke ofuri ini uwem esie.

Ezekiel ama okot oto ke ibet kpukpru usen, onyuu ọbọn̄ akam, onyuu esik ekpere Abasi. Ke ini enye okosimde isua edip ke emana, enye ama ọtọn̄ ndinam utom ye mme oku ke Itie-ukpono Abasi.

Ntañ-mfep

Ke ini Nebuchanezzar, edidem Babylon ekedide ekon̄ ke Jerusalem ọyohọ ikaba ema emum Ezekiel ke mbuot-ekon̄ ekoro ye nditọ Jew tşin duop (10,000). Mmọ ema ekediana ye nditọ Judaea eken emi eketañde nte mbuot-ekon̄ ke akpa eka ke Babylon, emi Daniel ye mme ufan esie ita ekedude ke otu mmọ. Mme Jew ema eka ye Nwed Ibet mmọ, ndusuk mmọ ema eka iso ndikot iko

Abasi, enyuñ ebọñ akam, enyuñ esaña ekpere Abasi okposuk edi nte mmọ ekedude ke isoñ ukpono-ndem ke Babylon. Edi ata ediwak etut utọñ enyuñ esọñ ibuo.

Ezekiel Nte Anditiñ Ntiñ-nnim Ikọ Abasi

Abasi ama ọnọ Ezekiel mme ọkpọsọñ nduri utọñ ete ọkwọrọ ọnọ mme Jew emi eketañde efep, ọdọhọ mmọ ete edieke mmọ mikpọñke mme idiok-ńkpọ mmọ ye ntut-utọñ mmọ ye Abasi, ubierikpe Abasi eyedi etiene mmọ, edi edieke mmọ edikabarede esit Abasi eyenyene mbọm onyuñ ada mmọ. Abasi ama ayarade ata ediwak ńkpọ emi editibede ke utit eyo ọnọ Ezekiel, kpasuk nte Enye akanamde ọnọ Daniel ye mme anditiñ ntiñ-nnim ikọ Abasi eken.

Abasi edi ukem kpukpru ini. Etop emi enye ọkọnọde Ezekiel ekem ye etop emi Enye ọkọnọde Daniel ye mmọ eken emi nnyin ikotde mme ntiñ-nnim ikọ mmọ ke Ẹwẹd Abasi. Ke akpatre Ẹwẹd ke Ẹwẹd Abasi nnyin imokut ite ke ediyarade emi Abasi ọkọnọde John Edima ekem ye ediyarade emi Enye ọkọnọde Ezekiel ye Daniel.

Ẹkukut Abańade Itie-ukpono Abasi

Kiet ke otu mme ẹkukut emi Abasi ọkọnọde Ezekiel ekedi eke akwa Itie-ukpono Abasi. Owo ye uruk udomo-ńkpọ ọbiọñre Ezekiel ke iso ndiwut enye mme udomo, mbana ye mme utom eke Itie-ukpono Abasi emi, emi ekeneñerede ebiet Itie-ukpono Abasi Solomon.

Ke ini owo oro ye uruk udomo-ńkpọ adade Ezekiel edi ke iso enyin-usuñ Ufọk-Abasi, Ezekiel okut mmọñ nte otopde ọwọrọ ke idak asańudok. Ke ekikere nnyin, yak nnyin itiene owo emi nte enye odomode ke ibio-idomo-okuk. Ibio-idomo-okuk kiet edi ńkpọ nte inches 18, mme tọñde ke ekuñ-ubok sim ibuo anyan nnuen-ubok. Tọsin ibio idomo okuk kiet ada Ezekiel asaña ke mmọñ ikpat ukot. Ke ini enye odomode tọsin kiet efen, akpa ototim ọtuñ ọnyuñ ańwańa enye onyuñ ada Ezekiel asaña ke mmọñ, mmọñ onyuñ osim edọñ. Enye onyuñ ọtọñ ntak odomo tọsiń ibio-idomo-okuk ndien mmọñ osim enye isin. Ndien enye odomo tọsiń efen ndien edi akpa emi owo mikemeke ndisańa mbe; koro mmọñ oro ọtuñde, onyuñ edide mmọñ ewok.

Spirit Abasi

Akpa emi edi mbiet mme uwut-ńkpọ eke Spirit Abasi. Jesus ama etiń abaña Akpa odu-uwem Mmọñ. “Enye ọdọhọ emi abaña Spirit emi mmọ emi ebuotde idem ye Enye edibode” (John 7:39). Inem Spirit Abasi ke ekpekere fi kpukpru usen uwem fo. Enye ama etiń ọnọ fi ọtọñde ke ini emi afo ọkọtọñde ndinyene ifiok idiok-ńkpọ. Enye ama ọdọhọ yak afo ọdọhọ ete, “mmedue”, ke ini afo ọkọsọñde ibuo ye eka fo, mme akananade esit mbọm ye eyen eka eren mme ńwan. Enye okoyom fi ọbọñ akam ebeñe Jesus efen ọnọ fi. Enye ama anam fi ọdiọñ ete ke usen kiet ke afo eyeda ke iso Abasi, ndien afo eyeka hell edieke mikanyańake fi. Ke akpatre afo ama akabade ọfuhọ onyuñ enyek abaña ubierikpe Abasi, ndien edieke afo ọkọbọñde akam okonyuñ ayakde esit fo ọnọ Abasi, Enye ama anyaña fi onyuñ anam fi edi ata anditiene-Christ.

Ke owo ama ọkọbọ erinyańa, Edisana Spirit anam esit anditiene-Christ emi enyene udọñ ndibọ enọ edinam-asana. Otim okpon akan biọñ udia. Enye ototim oyom Ọbọñ anam esit esie asana onyuñ anam enye edi edisana. Ndien Edisana Spirit ada enye usuñ nditotim nyom Uduok-mmọñ Edisana Spirit, ndien ke ini andiyom ọdọhọde “Ih” ke kpukpru se Abasi ọdọhọde enye anam, Edisana Spirit edi edinim enye Uduok-mmọñ, mme ndibuk enye ke ubọñ Abasi. Mme Akpa Odu-uwem mmọñ etop ewọrọ ke uwem esie, akpa emi owo mikemeke ndisańa mbe. Kpukpru ńkpọ eke enye anamde ọnọ Abasi ekabare edi mbufa. Ufań ye ifet ndinam utom Abasi awak tutu ifet ababa inyuñ iyakke enye enyene ini ndinam kpukpru. Enye enyene odudu ndinam utom.

Mme Ọkọ-Owo

Nte afo obup, “Nso utọ utom”? Ndikọ mme ukpọñ nọ Jesus. Eyen eren mme ńwan emi etienede Christ edi ọkọ-owo. Enye ekeme nditiń mbańa Jesus nọ ufan me nsańa ufok-ńwẹd esie, okot owo edi ufok-Abasi, ọnọ mkpri ńwẹd ikọ Abasi me ńwẹd ufok-Abasi esok iman esie onyuñ ọbọñ akam abaña mmọ eke minyeneke erinyańa.

Edi akpanikọ ete ke usen kiet eyebọ ufok-Abasi emi Ezekiel okokutde mi ke isoñ ke Jerusalem, ndien akpa odu-uwem mmọñ emi okotopde ọwọrọ ke idak asańa-udok eyewere okoduk inyań onyuñ ọnọ uwem do. Ke ntak uwak inuń ye aran isoñ ke inyań mfin, ndomo iyak kiet ikemeke ndidu uwem do, edi ke ini ukara Christ, ke tọsin isua emi Jesus edidide Edidem, odu-uwem

